



REPUBLIKA E SHQIPËRISË  
KËSHILLI I MINISTRAVE

PROJEKTVENDIM

NR. \_\_\_\_\_ DATË \_\_\_\_\_ 2019

“PËR

PËRCAKTIMIN E MASËS, KRITEREVE, PROCEDURAVE DHE TË  
DOKUMENTACIONIT, PËR PERSONAT ME AFTËSI TË KUFIZUAR SI DHE TË  
NDIHMËSIT PERSONAL TË TYRE”

Në mbështetje të nenit 100 të Kushtetutës dhe të neneve 13 dhe 17, pika 1, të Ligjit nr. 57, datë 18.07.2019, “Për asistencën sociale në Republikën e Shqipërisë”, të nenit 15 të ligjit nr. 8626 datë 22.6.2000 “Statusi i invalidit paraplegjik dhe tetraplegjik” i ndryshuar”, me propozimin e ministrit të Shëndetësisë dhe Mbrojtjes Sociale, Këshilli i Ministrave:

VENDOSI:

I. KRITERET DHE GRUPET, QË PËRFITOJNË PAGESËN E AFTËSISË SË KUFIZUAR

1. Përfitojnë pagesë të aftësisë së kufizuar:

a) Personat me aftësi të kufizuar, të cilët deklarohen të paaftë për punë me vendim të Komisionit Mjekësor të Caktimit të Aftësisë për Punë;

b) Personat e paaftë për punë, sipas Komisionit Mjekësor të Caktimit të Aftësisë për Punë, të cilët nuk plotësojnë kushtet ligjore për përfitim të pensionit të invaliditetit të punës sipas ligjit të sigurimeve shoqërore në Republikën e Shqipërisë;

c) personat paraplegjikë dhe tetraplegjikë, të cilët deklarohen me vendim të Komisionit Mjekësor të Caktimit të Aftësisë për Punë se janë bërë të tillë, pavarësisht nga shkaku dhe mosha;

2. Personat me aftësi të kufizuar, të përcaktuar në pikën 1, shkronjat (a), (b) dhe (c) të këtij kreu, të cilët, me vendim të komisioneve mjekësore të caktimit të aftësisë për punë, përcaktohen se kanë nevojë për përkujdesje, përfitojnë një ndihmës personal me pagesë.

3. Vlerësimi i gjendjes mjekësore të personave të përcaktuar në pikën 1, të këtij kreu, bëhet nga Komisionet Mjekësore të Caktimit të Aftësisë për Punë (KMCAP) të nivelit të parë, të Shërbimit Social Shtetëror, ku merr pjesë, si anëtar me të drejtë vote, edhe mjeku, punonjës i Shërbimit Social Shtetëror.

4. Do të përfitojnë sipas këtij vendimi personat me aftësi të kufizuar, të përcaktuar në pikën 1, shkronja (b) të këtij kreu të cilët në 5 vitet e fundit para lindjes së të drejtës nuk kanë së paku 12 muaj sigurim shoqëror dhe nuk kanë qenë përfitues të pensionit të plotë, të pjesshëm apo të reduktuar të invaliditetit nga skema e sigurimeve shoqërore para hyrjes në fuqi të këtij vendimi.

## II. VLERËSIMI I AFTËSISË SË KUFIZUAR

1. Pranë Shërbimit Social Shtetëror ngrihen dhe funksionojnë 5 KMCAP të nivelit të parë që do të vlerësojnë në nivel kombëtar dosjet e personave të përcaktuar në pikën 1 të kreut I të këtij vendimi dhe do të kenë këtë përbërje:

- a) 2 KMCAP të shëndetit mendor që kanë në përbërje psikopediater dhe psikiatër;
- b) 1 KMCAP të kirurgjisë, onkologjisë, ortopedisë dhe reumatologjisë që ka në përbërje ortoped, onkolog dhe reumatolog;
- c) 1 KMCAP për paraplegjinë, tetraplegjinë dhe neurologjinë që ka në përbërje neurologë;
- ç) 1 KMCAP për sëmundje interne (nefrologji, kardiologji, gastroepatologji, endrokrinologji, hematologji, pneumoalergologji), që ka në përbërje internist, kardiolog, nefrolog dhe pneumoalergolog.

2. Anëtarët e KMCAP-ve të nivelit të parë përcaktohen me urdhër të ministrit përgjegjës për çështjet shëndetësinë.

3. Në përbërje të çdo KMCAP-i të nivelit të parë marrin pjesë, si anëtarë me të drejtë vote, edhe nga një mjek, punonjës të Shërbimit Social Shtetëror.

4. Shpenzimet për pagesën e anëtarëve të KMCAP-it të nivelit të parë përballohen nga buxheti i Shërbimit Social Shtetëror.

5. KMCAP të nivelit të parë marrin vendim mbi grupin e përfitimit, përfitimet dhe afatet e përfitimit për secilin grup, sipas formatit nr. 1 dhe 2 që i bashkëlidhet këtij vendimi.

6. Kundër Vendimit të KMCAP të nivelit të parë, personi mund të bëjë ankim në Komisionin Epror Mjekësor të Caktimit të Aftësisë për Punë (Komisioni Epror).

7. Pranë Shërbimit Social Shtetëror ngrihen 4 komisione eprorë të cilat përbëhen nga 5 anëtarë për çdo komision dhe që zgjidhen në detyrë nga ministri përgjegjës për çështjet shëndetësore dhe përgjegjës për çështjet sociale. Komisionet Eprorë të Shërbimit Social Shtetëror janë:

- a) Komisioni Epror për sëmundje të përgjithshme;
- b) Komisioni Epror për sëmundje të shëndetit mendor;
- c) Komisioni Epror për paraplegjinë dhe tetraplegjinë;
- d) Komisioni Epror për verbërinë.

8. Kryetari dhe anëtarët e Komisionit Epror janë mjekë me përvojë profesionale në fushën e ekspertizës dhe mjeku relator i Shërbimit Social Shtetëror. Anëtari i pestë i Komisionit Epror është me profesion jurist, me përvojë në fushën e aftësisë së kufizuar dhe përfaqësues i ministrisë që ka në fushën e përgjegjësisë shtetërore çështjet e aftësisë së kufizuar. Anëtarët e komisionit duhet të kenë një figurë të pastër morale dhe të mos jenë të dënuar penalisht. Mandati i anëtarit të Komisionit Epror është 4 vjeçar dhe me të drejtë rizgjedhjeje.

9. Rregullat e detajuara për organizimin dhe funksionimin e KMCAp-ve të nivelit të parë dhe Komisioneve Eprorë përcaktohen në rregulloren e miratuar nga Shërbimi Social Shtetëror.

10. Shpenzimet për pagesën e anëtarëve të Komisioneve Eprorë përballohen nga buxheti i Shërbimit Social Shtetëror.

11. Masa e shpërblimit mujor të anëtarëve të Komisioneve të nivelit të parë dhe Komisioneve Eprorë bëhet në përputhje me legjislacionin në fuqi për përcaktimin e masës së shpërblimit të anëtarëve të këshillave, bordeve ose komisioneve të njësisë të qeverisjes qendrore.

12. Anëtarët e komisioneve nuk angazhohen në detyrat e përditshme të ushtrimit të profesionit të tyre, si dhe punojnë me kohë të plotë gjatë ditëve që janë të mbledhur në Komision.

13. Personat me aftësi të kufizuar të përcaktuar në pikën 1 të kreut I, pajisen me dëshmi zyrtare identifikimi. Kriteret e dhënies së dëshmisë dhe forma e saj përcaktohen në rregulloren e Shërbimit Social Shtetëror.

14. Kriteret mjekësore për vlerësimin e aftësisë së kufizuar dhe veprimtaria e KMCAp të nivelit të parë dhe Komisionit Epror për vlerësimin e personave me aftësi të kufizuara, të përcaktuar në pikën 1 të kreut I, përcaktohen në rregulloret e miratuara me urdhër të ministrit për çështjet e shëndetësisë dhe çështjet sociale.

### III. MASA E PËRFITIMIT TË AFTËSISË SË KUFIZUAR

1. Masa e përfitimit për personat me aftësi të kufizuar, të përcaktuar sipas pikës 1 të kreut I të këtij vendimi është 10,653 (dhjetëmijë e gjashtëqind e pesëdhjetë e tre) lekë në muaj. Të njëjtën masë pagese përfiton edhe ndihmësi personal i personit me aftësi të kufizuar të përcaktuar në shkronjat (a) dhe (b) të pikës 1, të kreut I të këtij vendimi. Pagesa për shkak të aftësisë së kufizuar dhe pagesa e ndihmësit personal indeksohet çdo vit nga Shërbimi Social Shtetëror në bazë të indeksit të çmimeve të konsumit.

2. Personat me aftësi të kufizuara, që ndjekin një kurs kualifikimi të licencuar ose të akredituar dhe nxënësit, të cilët ndjekin arsimin e mesëm të lartë, përfitojnë pagesë në masën 200% të pagesës si person me aftësi të kufizuar gjatë kohës që ndjekin kursin/shkollën vetëm për një dhe gjatë një kursi kualifikimi/programi studimi, brenda afatit të përcaktuar për kryerjen e kursit të kualifikimit/programit të studimit.

3. Personat me aftësi të kufizuara, të cilët ndjekin arsimin e lartë në programe studimi të ciklit të parë dhe të dytë, përfitojnë pagesë në masën 300% të pagesës si person me aftësi të kufizuara

gjatë kohës që ndjekin studimet vetëm për një dhe gjatë një programi studimi, brenda afatit të përcaktuar për kryerjen e programit të studimit. E njëjta masë pagese zbatohet për personat që ndjekin programin e studimit të ciklit të tretë. Për personat që ndjekin studimet e doktoratës dhe për personat që ndjekin procedurat për fitimin e një titulli akademik, kjo pagesë përfitohet në mënyrë të përhershme, mbi bazën e dëshmisë së lëshuar nga organet kompetente për fitimin e gradës shkencore/titullit akademik.

4. Personat me aftësi të kufizuara, të cilët ndjekin njëkohësisht, arsimin e mesëm apo të lartë dhe një kurs kualifikimi, përfitojnë vetëm njërin nga pagesat.

5. Personat e përcaktuar sipas pikës 1, shkronja (b) të kreut I, me plotësimin e moshës dhe kushteve për përfitim pensioni sipas përcaktimeve në legjislacionin në fuqi për sigurimet shoqërore, ndërpresin pagesat që përfitojnë sipas këtij vendimi.

6. Pagesa e ndihmës personal të personit me aftësi të kufizuar, sipas pikës 1, shkronja (c) të kreut I të këtij vendimi, është në masën 11.190 (njëmbëdhjetë mijë e njëqind e nëntëdhjetë) lekë në muaj. Kjo pagesë indeksohet çdo vit nga Shërbimi Social Shtetëror në bazë të indeksit të çmimeve të konsumit.

7. Përfituesit e pagesës së aftësisë së kufizuar përfshihen në kategorinë e personave ekonomikisht joaktivë, në kuptim të skemës së sigurimeve të detyrueshme të kujdesit shëndetësor.

8. Periudha e shërbimit si ndihmës personal, për personat e përcaktuar në pikën 1, shkronja (c) të kreut I, i cili nuk është ekonomikisht aktiv, si dhe nuk përfiton të ardhura nga skema e sigurimit të detyrueshëm shoqëror, vlerësohet periudhë siguri, për efekt përfitimi pensioni, barrë lindje, aksidenti në punë, sëmundje profesionale dhe siguri shëndetësor. Kontributet paguhet në bazë të pagës minimale, për efekt të llogaritjes së kontributit të sigurimit të detyrueshëm shoqëror dhe përballohet nga buxheti i shtetit.

9. Ndihmës personalë, që ofrojnë shërbim për më shumë se një përfitues, marrin një shtesë prej 50% të shumave përkatëse për çdo përfitues të shtuar.

10. Përfitimi i pagesës së aftësisë së kufizuar nuk llogaritet në të ardhurat e familjes, për efekt të llogaritjes së ndihmës ekonomike.

11. Pagesa për personat, që përfitojnë nga ky vendim, si dhe e ndihmës personal bëhet një herë në muaj, përmes shërbimit bankar ose Postës Shqiptare, pranë njësive të vetqeverisjes vendore ku ka vendbanimin përfituesi.

12. Personave me aftësi të kufizuara, sipas pikës 1 të kreut I, të cilët vlerësohen për herë të parë në KMCAP, u lind e drejta e përfitimit të pagesës në muajin pasardhës nga data e marrjes së vendimit nga ky komision.

#### IV. PROCEDURA DHE DOKUMENTACIONI PËR VLERËSIM DHE PËRFITIM PËR SHKAK TË AFTËSISË SË KUFIZUAR

1. Personat që vlerësohen për aftësinë e kufizuar pajisen nga institucioni shëndetësor i specializuar me shtretër (spitali) me fletën e drejtimit për në KMCAAP. Personat që rivlerësohen për aftësinë e kufizuar pajisen nga mjeku specialist me epikrizë në bazë të rekomandimit të mjekut të familjes. Dokumentacioni për vlerësimin/ rivlerësimin e aftësisë së kufizuar së bashku me kopje të dokumentit të identifikimit dërgohen brenda 5 (pesë) ditëve nga institucioni shëndetësor pranë njësisë administrative ku individi ka vendbanimin.

2. Për personat me aftësi të kufizuara, që me vendim të komisionit mjekësor, është përcaktuar se kanë nevojë për përkujdesje, plotëohet brenda 30 ditëve dokumentacioni për ndihmësin personal, sipas përcaktimeve të legjislacionit në fuqi për përmënyrën e ofrimit të ndihmesës personale dhe kriteret e përzgjedhjes së ndihmësit personal.

3. Personat me aftësi të kufizuara, të cilët ndjekin arsimin e mesëm të lartë apo të lartë, paraqesin për çdo fillim të vitit shkollor/akademik dokumentet e mëposhtme:

a) Vërtetimin e nënshkruar nga titullari dhe sekretari i institucionit arsimor të mesëm të lartë dhe të lartë, ku të shënohen emri dhe mbiemri i personit, niveli i arsimit që ndjek, viti shkollor/akademik dhe kohëzgjatja. Për të vërtetuar frekuentimin e procesit mësimor vërtetimi lëshohet çdo tre muaj. Vërtetimi për shlyerjen e detyrimeve të çdo sezoni, lëshohet vetëm për personat që ndjekin arsimin e lartë.

b) Kopjen e noterizuar të dëftesës së çdo viti dhe kopjen e noterizuar të diplomës në mbarim të shkollës së mesme të lartë apo të lartë, si dhe/ose kopje të dëshmisë së kursit të kualifikimit.

4. Personat me aftësi të kufizuara të cilët kanë fituar gradë shkencore/ titull akademik, paraqesin kopjen e noterizuar të dokumentit që vërteton fitimin e gradës shkencore/titullit akademik.

5. Shërbimi Social Shtetëror në nivel qendror ose rajonal ka të drejtë të verifikojë me strukturat përgjegjëse për çështjet e arsimit vlefshmërinë e dokumentit të lëshuar nga ana e institucioneve arsimore.

6. Administratori shoqëror, me marrjen e dokumentacionit nga institucioni shëndetësor e dërgon atë brenda 24 (njëzet e katër) orëve, me procesverbal pranë mjekut të Drejtorisë Rajonale të Shërbimit Social Shtetëror, si dhe listën emërore të personave që do të vlerësohen apo do të rivlerësohen pranë KMCAAP-së. Mjeku verifikon nëse dosjet e paraqitura janë të plotësuara me dokumentacionin përkatës dhe, më pas, i përcjell ato në KMCAAP. Mjeku mban regjistrin e personave me aftësi të kufizuara, sipas pikës 1 të kreut I, të këtij vendimi.

7. Në rastet e rivlerësimit administratori shoqëror njofton dy muaj para përfundimit të afatit të vlerësimit personin për pajisjen me epikrizën përcjellëse.

8. Personat, të cilëve iu ndryshon gjendja shëndetësore brenda afatit të përfitimit, i nënshtrohen procedurës së rivlerësimit me fletëdrejtimi të re.

9. Drejtoritë rajonale të Shërbimit Social Shtetëror, në përfundim të vlerësimit të aftësisë së kufizuar, për personat aplikues hedhin brenda 10 (dhjetë) ditëve nga data e vlerësimit/rivlerësimit në arkivën elektronike dokumentacionin që përmban dosja e përfituesit

dhe e dërgojnë atë pranë njësisë administrative të shoqëruar me njoftimin për vendimin për çdo person.

10. Administratori shoqëror në bazë të vendimeve të komisionit përgatit listën e përfituesve të pagesës së aftësisë së kufizuar, të shoqëruar me masën e përfitimit për çdo përfitues, përfshirë edhe përfitimet shtesë të bazuara në dokumentacionin përkatës sipas legjislacionit në fuqi. Kjo listë i dërgohet çdo muaj strukturës përgjegjëse për shërbimet sociale në bashki për për të kryer pagesat.

11. Struktura përgjegjëse për shërbimet sociale në bashki përgatit listën e plotë dhe masat e përfitimit për përfituesit e pagesave të aftësisë së kufizuar nën juridiksionin e saj dhe mundëson ekzekutimin e pagesave brendava afateve ligjore.

## V. PROCEDURA E ANKIMIMIT NË KOMISIONIN EPROR

1. Kundër Vendimit të KMCAp të nivelit të parë, personi mund të bëjë ankim brenda 30 ditëve në Komisionin Epror. Procedura e ankimit kryhet, si më poshtë vijon:

- a) Ankimi në Komisionin Epror bëhet me shkrim dhe dorëzohet pranë drejtorive rajonale të Shërbimit Social Shtetëror;
- b) Brenda 10 (dhjetë) ditëve nga data e marrjes së kërkesës, Drejtoria Rajonale e Shërbimit Social Shtetëror dërgon në Shërbimin Social Shtetëror dosjen e ankimuesit, së bashku me një relacion të hollësishëm, ku argumentohet vendimi i marrë nga KMCAp i nivelit të parë;
- c) Shërbimi Social Shtetëror njofton anëtarët e KMCAp-së Epror dhe ankimuesit, 7 (shtatë) ditë përpara zhvillimit të seancës së Komisionit Epror.

2. Mjeku pranë Shërbimit Social Shtetëror, në rolin e relatorit, studion dokumentacionin e dosjes, procedurat e zbatuara në KMCAp-në e nivelit të parë, dokumentacionin e vlerësuar nga ky Komision, pretendimet e parashtruara nga ankimuesi dhe përgatit një relacion, ku, ndër të tjera, shprehet edhe për referencën e gjendjes shëndetësore të ankimuesit, sipas kriterëve mjekësore orientuese për përcaktimin e aftësisë aftësisë së kufizuar.

3. Seancat e mbledhjes së Komisionit janë të përmuajshme dhe zhvillohen brenda një muaji nga data e paraqitjes së dokumenteve në Shërbimin Social Shtetëror. Seanca zhvillohet në ditët e caktuara nga Komisioni Epror i cili tërhiqet për të marrë vendim, pa praninë e personit. Komisioni Epror mblidhet jo më pak se dy herë në muaj dhe kur janë mbledhur jo më pak se 20 dosje.

4. Vendimet e Komisionit Epror merren me shumicë të thjeshtë votash. Mbledhja mund të zhvillohet edhe në mungesë të njërit prej anëtarëve, por asnjëherë në mungesë të kryetarit. Në rastet kur ka barazi votash, në fund vendos vota e kryetarit të komisionit.

5. Anëtarët e Komisionit Epror kanë të drejtë të argumentojnë votën e tyre pro ose kundër. Vendimi i Komisionit Epror, plotësohet sipas formatit nr. 3 bashkëlidhur këtij vendimi.

6. Vendimi i Komisionit Epror arkivohet në dosjen përkatëse dhe i njoftohet me shkrim edhe ankimuesit, brenda një afati 8-ditor.

7. Nëse ankimesit nuk paraqiten për komisionim 2 herë radhazi dhe refuzojnë të kryejnë ekzaminimet e kërkuara apo mjekimin e rekomanduar, Komisioni Epror merr vendim “pa aftësi të kufizuar”, dhe dosja i kthehet Drejtorisë Rajonale të Shërbimit Social Shtetëror. Në këtë rast dosja konsiderohet e mbyllur dhe për rihapjen e saj do të ndiqet procedura si për rastet që paraqiten për komisionim për herë të parë.

8. Komisioni Epror nuk mund të marrë në rishqyrtim rastet për të cilat ai është shprehur një herë, në rastet kur ankimesi ka të njëjtën gjendje shëndetësore për të cilën pretendohet aftësi të kufizuar.

## VI. DISPOZITA TË FUNDIT

1. Nuk i nënshtrohen procedurës së vlerësimit në përputhje me përcaktimet në Kreun I, pika 1 shkronja (c) të këtij vendimi, individët të cilët janë kategori përfituese të pagesave të aftësisë së kufizuar sipas vlerësimit bio-psiko-social të përcaktuar në vendimin nr. 722, datë 11.11.2019 të Këshillit të Ministrave “Për përcaktimin e masës, të kriterëve, procedurave dhe dokumentacionit për vlerësimin dhe përfitimin e aftësisë së kufizuar e të ndihmësit personal, dhe të strukturave përgjegjëse e të detyrave të tyre.

2. Ngarkohen të gjitha organet e administratës shtetërore shëndetësore dhe sociale dhe njësitë e vetqeverisjes vendore, për zbatimin e këtij vendimi.

3. Vendimi nr. 618, datë 7.9.2006, i Këshillit të Ministrave “Për përcaktimin e kriterëve, të dokumentacionit dhe masës së përfitimit të pagesës për personat me aftësi të kufizuar” i ndryshuar, shfuqizohet.

Ky vendim hyn në fuqi pas botimit në Fletoren Zyrtare.

**KRYEMINISTRI**

**EDI RAMA**

## RELACION

### PËR PROJEKTVENDIMIN E KËSHILLIT TE MINISTRAVE

#### PËR

“PËRCAKTIMIN E MASËS, KRITEREVE, PROCEDURAVE DHE TË DOKUMENTACIONIT, PËR PERSONAT ME AFTËSI TË KUFIZUAR SI DHE TË NDIHMËSIT PERSONAL TË TYRE”

#### I. QËLLIMI I PROJEKTAKTIT DHE OBJEKTIVAT QË SYNOHEN TË ARRIHEN

Ky projektvendim ka për qëllim përcaktimin e masës kritereve, procedurave dhe dokumentacionit për marrjen e përfitimeve të aftësisë së kufizuar për personat me aftësi të kufizuar, të cilët janë banorë në qarqet ku aplikohet vlerësimi mjekësor i aftësisë së kufizuar dhe ende nuk është shtrirë modeli bio-psiko-social i vlerësimit, si edhe pagesat e ndihmësit personal që i shërben personit me aftësi të kufizuar.

Objektivat që synohen të arrihen kanë të bëjnë me mbulimin me pagesa të aftësisë së kufizuar të individëve me aftësi të kufizuar të cilët vlerësohen nga KMCAP të nivelit të parë dhe KMCAP Epror si dhe të ndihmësve personalë të tyre, për të përmirësuar cilësinë e jetesës së personave me aftësi të kufizuar. Po ashtu, ngrihen komisionet e nivelit të parë dhe komisionet eprorë të vlerësimit, pranë Shërbimit Social Shtetëror, për të kryer vlerësimin e dosjeve të PAK, të cilat deri më tani janë kryer nga KMCAP të sigurimeve shoqërore të cilat komisionojnë invalidët e punës.

#### II. VLERËSIMI I PROJEKTAKTIT NË RAPORT ME PROGRAMIN POLITIK TË KËSHILLIT TË MINISTRAVE, ME PROGRAMIN ANALITIK TË AKTEVE DHE DOKUMENTE TË TJERA POLITIKE

Ky akt është në përputhje me programin politik të Këshillit të Ministrave, Kapitulli 3 “Shërbimet Publike”, seksioni 3.3 “Shëndetësia dhe Kujdesi Social” dhe hartohet jashtë programit analitik të akteve të Ministrisë së Shëndetësisë dhe Mbrojtjes Sociale.

---

Relacion shpjegues për projektvendimin “Për përcaktimin e masës, kritereve, procedurave dhe të dokumentacionit, për personat me aftësi të kufizuar si dhe të ndihmësit personal të tyre”.





KMCAP NIVELI PARË PËR \_\_\_\_\_

VENDIM Nr. \_\_\_\_\_

Komisioni Mjekësor i Caktimit të Aftësisë për Punë, për vlerësimin e personave me aftësi të kufizuara, i mbledhur më datë \_\_\_\_/\_\_\_\_/\_\_\_\_\_, pasi shqyrtoi kërkesën dhe dokumentat e aplikuesit \_\_\_\_\_, konstatoi se:

**Kuadri klinik sipas dokumentacionit mjekësor:**

\_\_\_\_\_

**Përshkrimi i analizave dhe i ekzaminimeve bazë:** \_\_\_\_\_

\_\_\_\_\_

**Diagnoza:** \_\_\_\_\_

\_\_\_\_\_

**Kodi i sëmundjes:** \_\_\_\_\_

Mbështetur në dokumentat, diagnozën, ekzaminimet, si dhe kriteret mjekësore:

**VENDOSI:**

Të caktojë \_\_\_\_\_, se \_\_\_\_\_ Person me Aftësi të Kufizuar, grupi \_\_\_\_\_, prej datës \_\_\_\_/\_\_\_\_/\_\_\_\_\_ deri më \_\_\_\_/\_\_\_\_/\_\_\_\_\_, sipas ligjit 57/2019, "Për asistencën sociale në Republikën e Shqipërisë" dhe akteve nënligjore në zbatim të tij: \_\_\_\_\_

Z/Znj \_\_\_\_\_, ka nevojë për përkujdesje të vazhdueshme të një personi tjetër.

Afati i rikontrollit në KMCAP: \_\_\_\_\_

Shënim: \_\_\_\_\_

Anëtar

Anëtar

Anëtar

Anëtar

(\_\_\_\_\_)

(\_\_\_\_\_)

(\_\_\_\_\_)

(\_\_\_\_\_)

KRYETARI I KOMISIONIT

*Divergjencë:* \_\_\_\_\_  
\_\_\_\_\_  
\_\_\_\_\_

*Mjeku:* \_\_\_\_\_

*Datë:* \_\_\_\_\_

*Divergjencë:* \_\_\_\_\_  
\_\_\_\_\_  
\_\_\_\_\_

*Mjeku:* \_\_\_\_\_

*Datë:* \_\_\_\_\_

**SHËNIM I AUDITIT**

U kontrollua më datë \_\_\_ / \_\_\_ / \_\_\_\_\_, nga mjeku i Auditit \_\_\_\_\_ dhe rezultoi se:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

Mjeku i Auditit

( \_\_\_\_\_ )



VENDIM Nr. \_\_\_\_\_

Komisioni Mjekësor i Caktimit të Aftësisë për Punë, për vlerësimin e personave me aftësi të kufizuara, në rrethin e Tiranës, i mbledhur më datë \_\_\_\_/\_\_\_\_/\_\_\_\_\_, pasi shqyrtoi kërkesën dhe dokumentat e aplikuesit \_\_\_\_\_, konstatoi se:

Kuadri klinik sipas dokumentacionit mjekësor: \_\_\_\_\_

Përshkrimi i analizave dhe i ekzaminimeve bazë: \_\_\_\_\_

Diagnoza: \_\_\_\_\_

Kodi i sëmundjes: \_\_\_\_\_

Mbështetur në dokumentat, diagnozën, ekzaminimet, si dhe kriteret mjekësore:

**VENDOSI:**

Të caktojë \_\_\_\_\_, \_\_\_\_\_ përfitues i statusit para-tetraplegjisë, grupi \_\_\_\_\_, prej datës \_\_\_\_/\_\_\_\_/\_\_\_\_\_ deri më \_\_\_\_/\_\_\_\_/\_\_\_\_\_.

Sipas ligjit nr. 8626 datë 22/06/2000 "Statusi i invalidit paraplegjik dhe tetraplegjik", ligjit 57/2019 "Për asistencën sociale në Republikën e Shqipërisë" dhe akteve nënligjore në zbatim të tij:

Z/Znj \_\_\_\_\_, ka nevojë për përkujdesje të vazhdueshme të një personi tjetër.

Z/Znj \_\_\_\_\_, ka nevojë për paketë të veçantë higjieno-sanitare, sipas VKM nr. 78 datë 07/02/2007, të ndryshuar.

Afati i rikontrollit në KMCAP: \_\_\_\_\_

Shënim: \_\_\_\_\_

Anëtar

Anëtar

Anëtar

Anëtar

(\_\_\_\_\_)

(\_\_\_\_\_)

(\_\_\_\_\_)

(\_\_\_\_\_)

KRYETARI I KOMISIONIT

(\_\_\_\_\_)

Divergjencë: \_\_\_\_\_  
\_\_\_\_\_  
\_\_\_\_\_

Mjeku: \_\_\_\_\_

Datë: \_\_\_\_\_

Divergjencë: \_\_\_\_\_  
\_\_\_\_\_  
\_\_\_\_\_

Mjeku: \_\_\_\_\_

Datë: \_\_\_\_\_

**SHËNIM I AUDITIT**

U kontrollua më datë \_\_\_ / \_\_\_ / \_\_\_\_\_, nga mjeku i Auditit \_\_\_\_\_ dhe rezultoi se:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

Mjeku i Auditit

( \_\_\_\_\_ )



REPUBLIKA E SHQIPËRISË  
MINISTRIA E SHËNDETËSISË DHE MBROJTJES SOCIALE  
SHËRBIMI SOCIAL SHTETËROR  
KMCAP EPROR PËR \_\_\_\_\_

VENDIM Nr. \_\_\_\_\_

Komisioni Mjekësor i Caktimit të Aftësisë për Punë, Epror, i mbledhur më datë \_\_\_\_\_, pasi dëgjoji relacionin e përgatitur nga z/znj. \_\_\_\_\_, mjek pranë ShSSH, shqyrtoi kërkesën dhe dokumentat e Z./Znj. \_\_\_\_\_, që me vendim nr. \_\_\_\_\_, datë \_\_\_\_\_ KMCAP të nivelit të parë \_\_\_\_\_, është deklaruar \_\_\_\_\_, pasi vuan nga sëmundja:

KMCAP Epror, pasi e vizitoi të sëmurën/ të sëmurin, kostatoi se vuan nga sëmundja:

Mbështetur në dokumentat, diagnozën si dhe kriteret mjekësore:

VENDOSI:

Të caktojë se z.znj \_\_\_\_\_, \_\_\_\_\_ përfiton grupi \_\_\_\_\_ prej datës \_\_\_\_\_ / \_\_\_\_\_ / \_\_\_\_\_ deri më datën \_\_\_\_\_ / \_\_\_\_\_ / \_\_\_\_\_ sipas ligjit nr. 57 datë 18.07.2019 "Për asistencën sociale në Republikën e Shqipërisë" dhe akteve nënligjore në zbatim: \_\_\_\_\_

Z/Znj \_\_\_\_\_, ka nevojë për përkujdesje të vazhdueshme të një personi tjetër.

Rikontroll në KMCAP EPROR: \_\_\_\_\_ në muajin \_\_\_\_\_

Këshilla mjekësore për riaftësim: \_\_\_\_\_

Shënim: \_\_\_\_\_

Relatori

( \_\_\_\_\_ )

Anëtar

( \_\_\_\_\_ )

Anëtar

( \_\_\_\_\_ )

Anëtar

( \_\_\_\_\_ )

Anëtar

( \_\_\_\_\_ )

KRYETARI I KOMISIONIT

( \_\_\_\_\_ )